

永平府志卷之八

學校志

夫魯作泮宮詩人致頌王澤衰缺子衿刺焉是治亂之本關於庠序者非淺鮮也古聖王良法美意莫此爲大厥後代有創興乃舊志只載學宮修建而於崇祀禮樂一切大典概置不錄豈

朝廷誕敷文教之意茲彙徵制作特立一門俾按籍者不致茫無所稽後之君子述子游之盛心追文翁之雅化將見黃山濡水之間蒸蒸向上月異而歲不同海濱鄒魯之頌其在於斯歟作學校志

永平府志

卷之八

學校志

一

學宮

〔永平府儒學〕在治北一百五十步明倫堂五間兩序東西齋各五間前爲儀門又前爲大門外東西兩坊創建年月莫考元延佑中總管府達魯花赤也孫禿至正中總管賈維貞明正統中知府李文定天順中周晟成化中王璽王問宏治中吳傑正德中何詔唐夔嘉靖中李遜隆慶中兵備沈應乾知府劉庠萬歷中兵備宋守約知府辛應乾張世烈徐準皆曾修葺國朝順治中副使宋公琬郡守楊公呈彩康熙六年李公興元十六年常公文魁三十六年梁公世勳都



丞彭公爾年四十八年郡守張公朝琮乾隆二十八年郡守七公十四皆重修三十八年李公奉翰補修先師廟在明倫堂西正殿五間兩廡各五間前露臺戟門又前泮橋左右碑亭前櫺星門

崇聖祠在廟左

名宦祠鄉賢祠在戟門左右

敬一亭在廟西久廢

教授宅舊在明倫堂後有號舍兩楹今俱廢康熙三十二年教授徐麟詳請借居北平書院

訓導宅三所在明倫堂左 國初廢借居武學右舍康

永平府志

卷之八

學宮

二

熙三十七年訓導徐香修建乾隆二十八年教授楊宸訓導崔鶴儀仍改建於舊處

附

〔府武學〕在府治南舊守備廳地明隆慶六年知府辛應乾建今改爲敬勝書院

〔遼學〕順治二年因遼生散居關內 題設至十二年裁官歸併府學代理今裁

〔盧龍縣儒學〕在郡城東南隅縣治之前明倫堂三間前有捲棚前爲儀門又前爲大門明洪武二年建知縣胡昺經始正統間巡按御史李奎魏林徐宣相繼捐修景泰間知縣胡琮重修天順間圯于水教諭李倫

重修成化間教諭徐潤等更拓之宏治間知縣李景  
華吳杲知府吳傑增建號舍今廢嘉靖間府同知張守  
知縣王大猷吳道南楊保慶隆慶間知縣潘愚重修  
萬歷十五年又爲水圯兵備葉夢熊知府孫維城推  
官沈之吟知縣王袞王象恒天啟中孫止孝崇正中  
張煊皆重修崇正十五年爲颶風所拔 國朝順治  
中知縣梁應元趙汲康熙間知縣閔峻相繼重修康  
熙十年淫雨傾側知縣魏師段呂憲武教諭朱持正  
知縣衛立鼎陳夢熊重修四十八年大水坍塌知縣  
晏賓教諭胡仁濟修葺之乾隆三十六年教諭丁廷

輔訓導田雲青重修明倫堂

先師廟舊在明倫堂前規制卑狹嘉靖四十五年兵備道  
沈應乾遷於學左正殿五間東西廡五間前戟門泮  
池又前爲櫺星門櫺星門之南建坊二其東西臨街  
建坊各一今廢

崇聖祠舊在敬一亭西後改建東北隅

名宦祠鄉賢祠在戟門左右

忠孝祠節烈祠在明倫堂左右

敬一亭在廟後今廢

教諭宅在明倫堂後

訓導宅在明倫堂西舊廢訓導王拱辰復建  
饌廳在堂左廢

學倉在堂右廢

灤州儒學在州治西北明倫堂三間左爲厨右爲庫東  
西兩序東爲興詩齋西爲立禮成樂二齋今廢東出  
爲居仁門西出爲由義門又前爲東西儒學二門門  
外兩坊曰興賢育材遼清寧五年始建元至正四年  
知州孫明撤而新之至明洪武四年李益謙重建洪  
武中劉政禾樂中談輝陶安正德中劉并天順中鄭  
鼐成化中楊鼐宏治中呂鑑汪曉正德中陳溥高堂

永平府志

卷之八

學宮

四

嘉靖中劉體元張士儼陳士元隆慶中推官陳訓萬  
歷中知州鄭琬張元慶劉從仁林養棟李喬嶽周宇  
國朝順治中朱仲府同知劉日永州同史在德康  
熙中知州張勿執學正白學會王子樅訓導韓文煜  
相繼修葺

先師廟在明倫堂前正殿五間夾室爲東西兩廡前爲戟  
門又前爲泮池爲橋又前爲櫺星門門外有石望柱  
二郡人許莊立

崇聖祠在廟東南隅聚奎堂北

名宦祠鄉賢祠在成樂齋西本饌堂地

敬一亭在明倫堂後

魁星樓在 崇聖祠前明萬歷間建

聚奎堂在魁星樓北東西文會房各三間

學正宅舊在興詩齋東久廢今在明倫堂後乾隆三年

李光祖購買民地建

訓導宅舊在饌堂南久廢今在殿西乾隆三年李光祖

建

射圃亭在鄉賢祠西今廢

學倉在學正解南久廢

遷安縣儒學在治東明倫堂五間兩序東爲進德齋西

爲修業齋并廢前爲露臺下爲甬道東出爲義路西

出爲禮門洪武二年知縣蕭頤創始永樂中知縣邢

冕宣德中巡按余思寬正統中知縣商輅景泰中費

永寧皆增修原在東門外成化四年教諭胡憲詳准

展城以包之嘉靖中都御史孟春重修增建後知縣

陳策溫志敏王錫韋文英羅鳳翔萬歷中王淑民馮

露申安張鎰張廷拱相繼修補崇正三年燬於兵火

七年知縣任明道重修後復傾圮 國朝順治中教

諭蔣文燦康熙中知縣武紘周王永命張一諤屈明

基蔣以選喬于瀛教諭杜維楨雍正七年知縣王孔

彰相繼修葺

先師廟在明倫堂前正殿三間東西兩廡各五間前爲戟門三間又前爲泮池爲橋又前爲櫺星門有文書房祭器庫齋宿所更衣亭并久廢

崇聖祠三間在廟東北

名宦祠鄉賢祠在戟門東西

敬一亭在明倫堂後今廢

教諭宅在明倫堂西前爲儒學大門

訓導宅在教諭宅後

射圃亭在 崇聖祠東久廢

永平府志

卷之八

學宮

六

附 三屯營文廟在三屯城內西北隅

撫寧縣儒學在縣治東南明倫堂三間前爲儀門又前

爲大門明洪武十一年建成化間知縣姜鎬宏治中

劉玉嘉靖中葉宗蔭萬歷間知縣張葵訓導徐汝季

國朝康熙中王文衡譚琳劉馨教諭辛進修知縣

趙端皆經修葺

先師廟在明倫堂東正殿五間東西廡各五間前爲戟門

又前爲泮池石橋三座前爲櫺星門

崇聖祠在廟左

名宦祠鄉賢祠在戟門東西

敬一亭在明倫堂後今廢

教諭宅在明倫堂東北

訓導宅舊在教諭宅西久廢今移學前東山書院重修  
增建

昌黎縣儒學在治西南明倫堂三間東西齋各三間曰博文約禮後有號舍久廢前爲儀門又前爲大門創建年月無考元大德四年縣尹劉懋修明永樂十五年知縣楊禧重建宏治中殷玘張雲鳳嘉靖中間鳳胡漢楚孔生隆慶中孟秋萬歷中吳應選石之峯胡溪吳望岱楊于陞徐汝孝崇正中秦士英 國朝順

永平府志

卷之八

學宮

七

治中推官劉增知縣宋薦教諭吳鳳起陳兆楨訓導王渠康熙間知縣王曰翼訓導李維楫皆重修

先師廟在明倫堂東大殿五間兩廡各五間前爲戟門又前爲泮池爲櫺星門東西牌坊各一座曰興賢育材崇聖祠在廟後

名宦祠鄉賢祠在戟門左右

敬一亭在明倫堂後有勅諭碑四勿箴

射圃在城西南隅

教諭宅在敬一亭後教諭邵綱王大槐重修

訓導宅在廟左舊廢康熙五十五年訓導郭鼎建學堂

隆十九年下元劉三十七年郭鉉俊皆增修

樂亭縣儒學在縣治西明倫堂五間兩序東爲居仁

西爲由義齋後爲饌堂今廢其前爲中門門內爲號舍

今廢又前爲學門金天會中邑進士李杭建縣令韓景

邑進士鮮于仲權元至元中縣尹柴立本修葺元季

兵燹明洪武中知縣王文貴重建正統中呂淵天順

中董昱縣丞狄春成化中知縣王弼修補李瀚遷建

于文廟東宏治中郝本田登嘉靖中楊鳳陽萬歷中

林景桂于永清杜和春天啟中劉檄 國朝順治中

知縣葉矯然康熙中于成龍金星瑞張敏教諭王純

永平府志

卷之八

學宮

八

訓導柴育德乾隆間知縣陳金駿教諭趙雲書相繼

增修

先師廟在明倫堂右正殿五間東西兩廡各十間前爲戟

門三間角門各一間又前爲泮池爲橋爲櫺星門門

之外繞以圍墻形如玉帶左右各一坊其神厨神庫

宰牲房今廢

崇聖祠舊在戟門東今改建 大成殿北

名宦祠鄉賢祠在戟門左右

忠義節孝祠並在縣治東南雍正八年知縣黃奇聖建

敬一亭舊在 崇聖祠前久圯改建明倫堂後



教諭宅在明倫堂左

訓導宅在明倫堂右

射圃亭在居仁齋後久廢

學倉在明倫堂後

臨榆縣儒學在縣治西係山海衛舊學明倫堂五間東西兩齋曰文成武備後改建崇德廣業今廢前爲儀門大門明正統元年創建都指揮王整教授張恭天順間指揮劉綱成化中主事尙綱胡贊吳志蘇章熊祿尙縉嘉靖中黃景奎鄔閱隆慶中任天祥萬歷中孟秋王邦俊張時顯遵化巡撫李頤主事李本緯員

永平府志

卷之八

學宮

九

外邵可立相繼修理崇正中山丞巡撫楊嗣昌改建廟西舊射圃廢地巡撫朱國棟關內道張志完增修國朝順治中關內道楊茂魁通判楊生輝康熙中教授韓國龍通判陳天植安達里周廷潤教授張璞訓導梁薛一乾隆間教諭胡坦訓導李廷對重修先師廟在明倫堂東南中爲大成殿東西兩廡前爲戟門門外泮池石橋三甃又前爲櫺星門照壁左爲金聲門右爲玉振門其神厨更衣亭在戟門左右並廢

崇聖祠在 大成殿東北

名宦祠鄉賢祠在戟門左右

忠孝祠節烈祠在櫺星門東西

魁星樓在名宦祠東

文昌宮在鄉賢祠西

敬一亭舊在 崇聖祠前改建明倫堂後

尊經閣卽舊明倫堂改建

教諭宅舊在堂西訓導宅舊在廟東并廢今在本學大門左魁星樓後原爲生儒號舍

射圃亭在 崇聖祠右

歷朝崇祀紀年

漢高帝十二年過魯祀孔子以太牢

永平府志

卷之八

崇祀

十

元帝時詔褒成侯霸以所食邑祀孔子

平帝元始元年初追諡孔子曰褒成宣尼公

東漢明帝永平二年冬十月令郡縣學校祀聖師周公

孔子

安帝延光三年祀孔子及七十二子於闕里

桓帝元嘉三年魯相請爲孔廟置守廟百戶卒史春秋

享禮出王家錢

魏齊王正始二年及五年七年並命太常釋奠以太牢

祀孔子於辟雍以顏回配

晉武帝泰始三年詔太學及魯國四時備三牲以祀孔

子七年皇太子親以太牢祀孔子

東晉時孔子裔孫襲封奉聖亭侯於江左

南宋文帝元嘉二十二年皇太子釋奠國子學樂用登歌

南齊武帝永明三年詔用軒縣之樂六佾之舞牲牢器用依上公

梁武帝天監四年皇太子親釋奠登阼階以明從師之義

北魏孝文帝十六年改諡宣尼曰文聖尼父告祀孔廟北齊制每歲春秋二仲行釋奠禮每月朔祭酒領博士

永平府志

卷之八

崇祀

十一

以下及諸生謁廟行禮郡學博士亦如之

北周宣帝大象三年追封鄒國公

隋制國子學每歲以四仲月上丁釋奠于先聖先師州郡學則以春秋仲月釋奠

唐高祖武德二年始詔國子學立周公孔子廟七年以周公爲先聖孔子配九年封孔子之後爲褒聖侯

太宗貞觀二年罷周公尊孔子爲先聖以顏回配十一年詔尊孔子爲宣父二十一年詔天下以左邱明卜子夏公羊高穀梁赤伏聖高堂生戴聖毛萇孔安國劉向鄭眾賈逵杜子春馬融盧植鄭元服虔何休王

肅王弼杜預范甯二十二人從祀尼父廟堂國學遣官行禮其州縣以長官主祭

高宗乾封元年追贈孔子爲太師

總章元年贈顏回太子少師曾參太子少保皆配享中宗嗣聖七年封孔子爲隆道公

元宗開元八年始定諸賢坐像二十七年追諡孔子爲文宣王正南面之位贈顏子充國公閔子等爲侯曾子等爲伯以十哲爲坐像悉與祀帝親製顏子贊餘令文士分爲之

宋太祖建隆元年幸國子監親撰先聖亞聖贊十哲以

以下命文臣爲之三年詔廟門立十六戟

真宗大中祥符元年追諡孔子元聖文宣王追封聖父叔梁紇爲齊國公二年加冕九旒服九章執桓圭追封十哲爲公七十二弟子爲侯先儒爲伯五年又以國諱改諡元聖文宣王爲至聖文宣王

仁宗景祐元年詔釋奠用登歌

神宗元豐六年封孟子鄒國公七年以孟子配享荀况楊雄韓愈並從祀

徽宗崇寧元年封伯魚泗水侯子思沂水侯又詔殿以大成爲名四年增文宣王冕十二旒服十二章執鎮

圭廟門立二十四戟

大觀二年以子思從祀

政和五年詔孟子廟以樂正子配享公孫丑以下從祀  
封爵有差

高宗紹興十年改京師釋奠爲大祀加籩豆十二

理宗寶慶三年封朱子信國公紹定三年改徽國公淳  
祐元年加周惇頤張載程顥程頤朱熹從祀景定二  
年加張栻呂祖謙從祀

度宗咸淳三年以顏曾思孟爲四配升顥孫師位十哲  
列邵雍司馬光於從祀

永平府志

卷之八

崇祀

三

金章宗明昌二年詔避周公孔子之名

元世祖至元十年詔春秋二丁執事官員各依品序公  
服陪位

大德十一年武宗卽位加孔子號爲大成至聖文宣王  
加封顏子父無繇爲杞國公

仁宗皇慶二年以許衡從祀延祐三年詔封孟子父爲  
邾國公

文宗至順元年加封孔子父齊國公叔梁紇爲啟聖王  
加顏子爲兗國復聖公會子邾國宗聖公子思沂國  
述聖公子孟子鄒國亞聖公加程顥預國公程頤洛國

公是年始以董仲舒從祀位居七十二子之下  
順帝至正二十二年以楊時李侗胡安國蔡沈真德秀  
從祀追封朱熹父松爲齊國公

明太祖洪武元年詔正諸神封號惟孔子特仍其舊定  
每歲春秋仲月上丁日遣官行釋奠禮復孔顏子孟三  
氏子孫徭役四年令進士釋褐行釋菜禮更定祭器  
禮物樂舞改八簋豆爲十以國子生及公卿子弟在  
學者充樂舞生五年罷孟子配享六年復孟子祀十  
五年詔天下儒學通祀孔子頒釋奠儀二十六年頒  
大成樂器于天下各州縣如式製造二十九年黜楊

雄從祀

成祖永樂八年正文廟繪像聖賢衣冠令合古制

宣宗宣德三年刊定從祀名爵位次頒行天下

英宗正統二年以宋胡安國蔡沈真德秀從祀三年禁  
釋老宮不得瀆祀孔子八年始以元吳澄從祀

景帝景泰二年詔以顏子孟子後爲五經博士世襲承  
祀六年詔以周程朱子之後爲博士

憲宗成化二年封董仲舒爲廣川伯胡安國建寧伯蔡  
沈崇安伯真德秀浦城伯十二年增樂用八佾簋豆  
爲十二十六年命過孔門者皆下馬

孝宗宏治八年始以宋楊時從祀封將樂伯

世宗嘉靖九年改稱孔子爲至聖先師不用王號四配爲復聖宗聖述聖亞聖十哲及門弟子稱先賢左邱明以下稱先儒不復稱公侯伯易塑像爲木主改大成殿爲先師廟大成門爲廟門樂章中稱王者並易爲師遵舊制用六佾十籩豆以申黨卽申棖去黨存棖公伯寮秦冉顏何荀况戴聖劉向賈逵馬融何休王肅王弼杜預吳澄俱罷祀林放蘧瑗盧植鄭衆鄭元服虔范甯七人俱各祀于其鄉進后蒼王通胡瑗歐陽修陸九淵從祀又于先師廟後別建啟聖公祠

祀聖父叔梁紇以顏無繇曾點孔鯉孟孫氏配程珦朱松蔡元定從祀兩廡

穆宗隆慶五年以薛瑄從祀

神宗萬曆初以羅從彥李侗從祀十二年以陳獻章胡居仁王守仁從祀二十三年以宋周惇頤父周輔成從祀啟聖祠二十八年詔易先師廟以綠琉璃瓦四十七年以羅從彥李侗從祀

熹宗天啟六年以張載後爲博士

莊烈帝崇正三年以大程子及邵雍後爲博士十五年詔改左邱明及周程張朱邵六子稱先賢

國朝順治二年定文廟謚號稱 大成至聖文宣先師孔子十四年仍改稱 至聖先師孔子

康熙二十三年

御書萬世師表匾額懸國子監並頒發各學大成殿二十五年

御製先師及四賢贊頒學勒石二十九年議准凡文武官民人等經過 文廟下馬三十八年

詔各學設樂器三十九年置閔氏端木氏世襲五經博士五十七年

特諭升朱子於十哲之次 國學禮樂錄作四十一 五十四年

永平府志

卷之八

崇祀

六

詔以范仲淹從祀五十九年以卜子後為博士

雍正元年

詔追封 孔子五代王爵改啟聖祠為崇聖祠

命各省學宮建忠義孝弟祠仍建節孝祠于學宮之外二年命增定從祀先賢先儒復林放蘧瑗秦冉顏何鄭康成范甯

增縣直牧皮樂正子公都子萬章公孫丑諸葛亮尹焞魏了翁黃幹陳淳何基王栢趙復金履祥許謙陳澔羅欽順蔡清陸隴其增張廸八崇聖祠是年部頒

文廟禮樂圖籍三年

命諱孔子名加卞為邱四年



御書生民未有匾額頒懸各學七年修闕里文廟成新塑聖像冕十二旒服十二章先賢九旒九章

乾隆二年

特命闕里文廟易黃瓦國子監亦如之以先儒吳澄從祀以韓愈後為博士三年

頒御書與天地參額于文廟升先賢有若為十二哲移朱熹西哲末二十一年改正孟廟從祀告子為浩生不害

廟祀次位

正位南向木主定式高二尺三寸七分濶四寸厚七

永平府志

卷之八

廟祀次位

七

分座高四寸濶七寸厚三寸朱地金書

至聖先師孔子

東配西向木主定式高一尺五寸濶三寸二分厚五

分座高四寸濶六寸厚二寸八分赤地墨書

復聖顏子

名回字子淵魯人

述聖子思子

名伋字子思伯魚子

西配東向木主定式與東配同

宗聖曾子

名參字子輿魯人

亞聖孟子

名軻字子輿鄒人

東哲西向木主定式高一尺四寸濶二寸六分厚五

分座高二寸六分濶四寸厚二寸赤地墨書

先賢閔子 名損字子騫魯人

先賢冉子 名雍字仲弓魯人

先賢端木子 名賜字子貢衛人

先賢仲子 名由字子路衛人

先賢卜子 名商字子夏衛人

先賢有子 名若字子若魯人

西哲東向木主定式與東哲同

先賢冉子 名耕字伯牛魯人

先賢宰子 名予字子我魯人

永平府志

卷之八

廟祀次位

六

先賢冉子 名求字子有魯人

先賢言子 名偃字子游吳人

先賢顓孫子 名師字子張陳人

先賢朱子 名熹字元晦婺源人諡文公

東廡西向 先賢木主定式皆與兩哲同先儒木主

定式高一尺三寸四分濶二寸三分厚四分座高二

寸三分濶四寸厚二寸赤地墨書

先賢蘧 字伯玉衛人

先賢澹臺滅明 字子羽魯人

先賢原 字子思魯人

先賢南宮适 字子容 魯人

先賢商 瞿 字子木 魯人

先賢漆雕開 字子若 魯人

先賢司馬耕 字伯牛 宋人

先賢梁 鱣 字子魚 齊人

先賢冉 孺 字子魯 魯人

先賢伯 虔 字子析 魯人

先賢冉 季 字子產 魯人

先賢漆雕徒父 字子有 魯人

先賢漆雕哆 字子欽 魯人

永平府志

卷之八

廟祀次位

先賢公西赤 字子華 魯人

先賢任不齊 字子選 楚人

先賢公良孺 字子正 陳人

先賢公肩定 字子仲 晉人

先賢鄒 單 字子家 衛人

先賢罕父黑 字子索 魯人

先賢榮 旂 字子旂 魯人

先賢左人郢 字子行 魯人

先賢鄭 國 字子徒 魯人

先賢原 亢 字子杭 魯人

先賢廉 潔 字子庸 魯人

先賢叔仲會 字子期 魯人

先賢公西與如 字子尚 魯人

先賢邽 異 字子欽 魯人

先賢陳 亢 字子禽 陳人

先賢栞 張 一名牢字 子開 衛人

先賢步叔乘 字子車 齊人

先賢秦 非 字子之 魯人

先賢顏 喲 字子聲 魯人

先賢顏 何 字冉 魯人

永平府志 卷之八 廟祀次位

先賢縣 亶

先賢樂正克

先賢萬 章

先賢周敦頤 字茂叔 道州人 諡元公

先賢程 顥 字伯淳 河南人 諡純公

先賢邵 雍 字堯夫 河南人 諡康節

先儒穀梁赤 字元始 魯人

先儒伏 勝 字子賤 濟南人

先儒后 蒼 字近君 東海人

先儒董仲舒 字寬夫 廣川人

先儒杜子春 字時元河  
南緱氏人

先儒范甯 字武子  
鄆陵人

先儒韓愈 字退之鄧州  
人諡文公

先儒范仲淹 字希文吳縣  
人諡文正

先儒胡瑗 字翼之海陵  
人諡文昭

先儒楊時 字中立  
將樂人

先儒羅從彥 字仲素劍南  
人諡文質

先儒李侗 字愿中延平  
人諡文靖

先儒張栻 字敬夫綿竹  
人諡宣公

先儒黃榦 字直卿  
閩人

永平府志 卷之八 廟祀次位

先儒真德秀 字希元浦城  
人諡文忠

先儒何基 字子泰  
金華人

先儒趙復 字仁甫  
德安人

先儒吳澄 字幼清  
臨川人

先儒許謙 號白雲  
金華人

先儒王守仁 字伯安餘姚  
人諡文成

先儒薛瑄 字德溫河津  
人諡文清

先儒羅欽順 字允昇  
泰和人

先儒陸隴其 字稼書平湖  
人諡清獻

西廡東向木主定式與東廡同

先賢林放 魯人

先賢宓不齊 字子賤 魯人

先賢公冶長 字子長 魯人

先賢公皙哀 字季沈 齊人

先賢高柴 字子羔 齊人

先賢樊須 字子遲 魯人

先賢商澤 字子秀 魯人

先賢巫馬施 字子期 陳人

先賢顏辛 字子柳 魯人

先賢曹卹 字子循 蔡人

永平府志 卷之八

廟祀次序

三

先賢公孫龍 字子石 楚人

先賢秦商 字子丕 魯人

先賢顏高 字子驕 魯人

先賢壤駟赤 字子從 秦人

先賢石作蜀 字子明 秦人

先賢公夏首 字子乘 魯人

先賢后處 字子里 齊人

先賢奚容蒧 字子哲 魯人

先賢顏祖 字子襄 魯人

先賢句井疆 字子疆 衛人

先賢秦 祖 字子南 秦人

先賢縣 成 字子祺 魯人

先賢公祖句茲 字子之 魯人

先賢燕 伋 字子思 魯人

先賢樂 欬 字子聲 秦人

先賢狄 黑 字皙之 衛人

先賢孔 忠 字子茂 夫子 兄伯皮之子

先賢公西蒧 字子尙 魯人

先賢顏之僕 字子叔 魯人

先賢施之常 字子常 魯人

永平府志

卷之八

廟祀次位

三

先賢申 楨 字子周 魯人

先賢左邱明 魯人

先賢秦 冉 字開 蔡人

先賢牧 皮

先賢公都子

先賢公孫丑

先賢張 載 字子厚 郟縣 人 諡明公

先賢程 頤 字正叔 河南 人 諡正公

先儒公羊高 齊人

先儒孔安國 字子國 夫子 十一世孫

先儒毛萇 趙人

先儒高堂生 字伯漢 魯人

先儒鄭康成 高密人

先儒諸葛亮 字孔明 瑯邪人

先儒王通 字仲淹 龍門人

先儒司馬光 字君實 夏縣人 諡文正

先儒歐陽修 字永叔 廬陵人 諡文忠

先儒胡安國 字康侯 崇安人 諡文定

先儒尹焞 字彥明 洛陽人

先儒呂祖謙 字伯恭 金華人 諡文亮

永平府志 卷之八 廟祀次位

先儒蔡沈 字仲默 建陽人 諡文正

先儒陸九淵 字子靜 金谿人 諡文定

先儒陳淳 字安卿 龍溪人

先儒魏了翁 字華甫 邛州人

先儒王栢 字魯齋 金華人

先儒許衡 字仲平 河內人 諡文正

先儒金履祥 字吉夫 蘭陵人

先儒陳澥 字可大 南康人

先儒陳獻章 字公甫 新會人

先儒胡居仁 字叔心 餘干人



先儒蔡清字介夫晉江人

崇聖祠位次

正位南向

肇聖王木金父

裕聖王祈父

詒聖王防叔

昌聖王伯夏

啟聖王叔梁紇

春秋祭祀與文廟同日籩豆牲帛視四配東西配位

視十哲從祀先儒視兩廡詳後圖

永平府志

卷之八

廟祀位次

三

東配西向

先賢顏氏無繇

先賢孔氏鯉

西廡東向

先賢曾氏點

先賢孟氏激

東廡西向

先儒周氏輔成

先儒張氏廌

先儒蔡氏元定

先儒程氏瑄

先儒朱氏松

各宦鄉賢忠孝節烈諸祠所祀詳各傳茲不具列

釋奠禮樂

儀注先期致齋二日祭之前日承祭官率僚屬至明倫堂觀演樂習儀畢更朝服詣

先師廟前丹墀行三跪九叩首禮興視滌器鼓樂前導至省牲亭香案前獻爵奠酒三揖宰牲取血執事者捧送各廟祠供奉承祭率僚屬至

永平府志

卷之八

廟祀次位

三

先師廟丹墀陪祭至

崇聖祠階下俱候諸執事安奉畢各一揖退正祭日雞初鳴齊集文廟門外更朝服先詣

崇聖祠致祭畢陰陽官鳴鼓三通起樂通贊生引各官至先師廟丹墀文東武西排立通贊二生立月臺唱主祭官陪祭官各就位樂舞生各就位執事者各司其事瘞毛血迎神樂奏昭平之章各官皆行三跪九叩首禮興樂止奠帛行初獻禮樂奏宣平之章引贊二生上分班導承祭官詣盥洗所盥洗進巾詣酒樽所司樽者舉爵酌酒承祭官詣

至聖先師孔子神位前跪獻帛上香獻爵叩首興詣四配位前跪獻帛上香獻爵叩首興詣讀祝位跪各官皆跪讀祝生跪讀祝文畢興復位行分獻禮贊引陪祭官詣東西兩哲神位前又贊引陪祭官詣東西兩廡先賢先儒神位前跪獻帛上香獻爵叩首興復位行亞獻禮樂奏秩平之章贊引承祭官詣

先師位前跪獻爵叩首興詣四配神位前跪獻爵叩首興復位贊引陪祭官詣東西兩哲神位前又贊引陪祭官詣東西兩廡先賢先儒神位前跪獻帛叩首興復位行終獻禮樂奏敘平之章贊引承祭官陪祭官行

禮如亞獻復位贊引承祭官詣飲福位跪各官皆跪飲福受胙叩首興復位行謝福胙禮各官俱三跪九叩首興復位徹饌樂奏懿平之章送神樂奏德平之章行三跪九叩首禮讀祝者捧祝司帛者捧帛各詣燎所望燎禮畢衆退執事生皆退

崇聖祠祭日雞初鳴承祭陪祭各官齊集祠下通贊唱起樂承祭官就位陪祭官就位執事者各司其事瘞毛血迎神各官皆二跪六叩首興奠帛行初獻禮贊引承祭官詣盥洗所盥洗進巾詣神位前跪獻帛上香獻爵叩首興詣讀祝位跪各官皆跪讀祝生跪讀

祝文畢興復位行分獻禮贊引陪祭官詣東西配東  
西廡神位前跪獻帛上香獻爵叩首興復位行亞獻  
禮贊引承祭官詣 神位前跪獻爵叩首興復位贊  
引陪祭官詣東西配東西廡神位前跪獻爵叩首興  
復位終獻禮如之復位徹饌送神各官皆二跪六叩  
首興捧祝帛詣燎所望燎禮畢退位

**禮器**

祝版二

書祝文之版也以素木為之有座朱漆  
金飾大成殿正位一崇聖祠正位一

祝案二

髹以朱漆黃紵為圍  
大成崇聖正位各一 篚十八 承帛之匣也  
制方長有座

編竹絲為之邊座皆朱漆正位一配位各一哲位東  
西各一兩廡東西各一崇聖五正位各一配位東西  
各一兩廡 供香帛案 髹以朱漆 彝 裸以盛酒之器也  
東西各一 雲緣素腹兩耳作

永平府志

卷之八

禮器

天

夔形銅

勺 所以酌酒者也銅質外刻星水  
質無丹 文柄端與御勺處皆刻龍首

冪 覆尊

彝之中也用黃紵為之  
繪以雲氣四角有押

斝

酌以灌地降神之器也  
古制畫禾稼以為飾是

尊之屬今純素無  
文兩耳如戟銅質

彝几 斝几

髹以朱漆

茅沙池

裸以縮酒

之器也用銅池實以沙為茅  
束立沙上裸則沃酒其上

尊

獻以盛酒器也制  
有七一大尊以陶

為之素質一犧尊制為犧形穴背受酒一象尊制為  
象形穴背受酒一山尊刻為山雲之形一雷尊古雷

支從回漢制刻為雷師雲氣之形以上四尊皆銅質  
與大尊共為一案陳而不用不加勺冪一著尊亦銅

質飾饗饗雷文惟酌獻至聖先師位前用之  
有勺幕一壺尊亦銅質狀如瓜壺飾同著尊

尊案

大犧象山雷五尊共為一案有座有欄雕刻雲花飾  
以金朱五彩著尊面刻三四以承三尊髹以朱漆黃

紵為圍壺尊面有孔  
以承尊朱漆紅紵圍

爵一百九十

飲器之象爵者  
前若嚼後若尾

足修而銳兩柱為耳以牛首為扳金有雷文雲氣饗  
饗蟠夔之飾以銅為之獻爵正位三配位各三哲位

各一東廡六十一西廡六十二又東西各三崇聖  
祠五正位各三配位各三東西廡各三福爵一  
坵似豆而卑斲木為之口圓微侈所  
用瓦今亦范銅為之飾以雲  
雷饗饗惟聖位前用之  
銅為之三足兩耳蓋施三紐皆鏤以饗饗雷文正位  
二配位各二哲位東西各二崇聖祠五正位各二

簠簋各三十八

之器黍稷也方曰簠圓曰簋皆兩  
翅兩耳鏤以饗饗雷文正位各二配位每位各二十

二哲每筵各一兩廡每筵各一崇聖祠五正位每位  
各二配位東西各一兩廡東  
西各一降用一者去稻梁  
邊豆各一百五十二

所以薦庶饒者也白餅黑餅形鹽菹魚為朝事之邊  
棗栗榛實為饋食之邊菱芡鹿脯為加邊之實韭菹  
醢醢菁菹鹿醢為朝事之豆脾析豚拍為饋食之豆  
芹菹兔醢筍菹魚醢為加豆之實邊竹質朱漆裏金  
邊足裏黑漆豆木質刻魚鱗文正位各十配位每位  
各入哲位東西各二筵每筵各八兩廡東西各五筵

禮器

完

每筵各四崇聖祠正位每位各八配位東西各四兩  
廡東西各四其降用入者去白餅黑餅脾析豚拍降  
用四者又去榛菱芡菹  
魚韭菹醢醢筍菹魚醢  
供案二十八也兩端施檔

四足圓捲髹以朱漆正位一配位各一哲位東西各  
二兩廡各五崇聖祠正位各一配位東西各一兩廡  
東西各一  
并有圍  
饌盤十六朱漆方口取簠簋邊豆之實  
每品各置少許于盤于送神

前徹之即古胙俎之遺意正位一四配位各一哲位  
東西各一崇聖祠正位各一四配位東西各一兩廡東  
西各  
俎三十三載牲之器今制似周房俎木質朱  
漆正位三配位各二哲位東西各

二兩廡東西各三崇聖祠五正位各  
二配位東西各一兩廡東西各一  
胙盤木質朱漆  
燔鑪鐵質  
香鼎  
香盒  
香盤  
燭臺

花瓶  
庭燎今制用鐵如籠有干植  
洗壘貯水器

盥盤  
巾拭手  
燎義燎時擎帛以  
瘞鋏齋

戒牌 誓牌 班位牌 拜席

府學祭器凋敝今乾隆三十八年郡守李公奉翰遵  
照闕里文獻考敬謹製備以重祀典園橋觀禮者咸  
欣感焉其各州縣則州縣舊志載明灤州知州陳士  
元造祭器樂亭知縣李瀚鑄祭器昌黎知縣王漢傑  
置錫籩豆三百八十件今俱無考惟撫寧紳士馮泰  
運所造銅器至今完好精備云

**樂器** 麾二 身用朱紵絲首則以青篆書中和二金字  
有架在祝故北東西相

向舉則樂作偃則樂止 節二 以旄牛尾茜為赤色  
為曲首以維節其下有架 節二 凡九就有蓋朱干金  
在舞佾之北導舞列進退 鑄鐘鼗鼓各一 即特鐘  
禮器 縣鼓在

永正府志 卷之八 三

大成門左右初祭擊鼓畢 楹鼓足鼓各一 楹鼓一  
祭擊鐘迎神送神齊擊 名建鼓

貫以柱而豎之下設獸附 上覆黃蓋頂置翔鷲四旁  
垂五采流蘇在編鐘之東足鼓有四足在編磬之西  
皆北 靴鼓二 有柄兩旁有耳持其柄搖之耳還自  
向 擊設搏拊之下東西相向與搏拊同

節 搏拊二 形如鼓以鞀為之著之以糠 編鐘一  
堵 即歌鐘十六枚共一篋在東南 編磬一堵 即歌  
堵 每一句之始擊之以開眾音

六枚共一篋在西南每 壘二 范土為之中空銳上  
句終擊之以收眾音 壘二 平底六孔在編鐘編  
磬之北左 箎四 似管在編鐘編磬之  
右各一 篋六 在壘箎排簫之  
管今謂之排簫 邃六 在壘箎排簫之  
左右各一次篋 北左右各三

在笛北左 瑟四 在洞簫北  
左右各三 琴六 在瑟北左  
左右各三 笙六  
列在歌工後 祝一 形如桶內有椎柄連底洞之令

左右各三直 左右擊今改正方為斗狀上廣

狀如伏虎背有齒齒以木尺  
北用以舉樂 敵一

簫翟各十八 簫以竹為之開三孔朱漆翟以木為

手版 木質粉飾 衣頂 執事時用欄衫雀頂常

按今制陳樂器於露臺上舞侑之外不分堂上堂  
下文舞生在樂縣之北

樂譜乾隆八年

欽頒新譜依

聖祖仁皇帝御製律呂正義旋宮起調之法以黃鍾為宮聲  
大呂為清宮聲以次太簇夾鍾為商姑洗仲呂為角  
蕤賓林鍾為變徵夷則南呂為徵無射應鍾為羽半

永平府志 卷之八 樂譜

三

黃鍾半大呂當變宮之音去四清聲加四倍聲而以

倍無射倍應鍾為變宮倍夷則倍南呂為下羽五正

一二變陽律從陽陰呂從陰各成一均其法以月律立

宮下羽主調宮商角羽皆起調正徵及變宮徵皆不

起調調皆用五正音二變音不入調倍夷則於簫為

上字於笛為凡字倍南呂於簫為伍字於笛為凡字

倍無射於簫為尺字於笛為合字倍應鍾於簫為凡

字於笛為六字黃鍾於簫為工字於笛為四字大呂

於簫為仞字於笛為五字太簇於簫為凡字於笛為

乙字夾鍾於簫為凡字於笛為乙字姑洗於簫為合

字於笛爲上字仲呂於簫爲六字於笛爲上字蕤賓  
於簫爲四字於笛爲尺字林鍾於簫爲五字於笛爲  
仄字夷則於簫爲乙字於笛爲工字南呂於簫爲乙  
字於笛爲仨字無射應鍾與倍夷則倍南呂應填箎  
與簫應笙與笛應琴瑟則以五音定絃位琴芻應羽  
荀應宮荀應商芻應角芻應徵瑟匏應下羽匏應宮  
匏應商匏應角匏應徵匏應羽釋奠之樂四仲皆以  
月律爲宮以月律之下羽起調春丁以夾鍾爲宮仲  
呂爲商林鍾爲角應鍾爲徵倍應鍾爲羽倍應鍾起  
調爲夾鍾清商宮之羽清變宮調秋丁以南呂爲宮  
應鍾爲商倍應鍾爲角夾鍾爲徵仲呂爲羽仲呂起  
調爲南呂清徵宮之羽清角調立宮之均不同其旋  
宮聲調則一也

闕里文獻考云按律呂正義旋宮起調表各律皆以  
下羽主調正羽同調首而無半宮之音是正羽雖入  
調而調首則必以下羽且歌亦不用半宮矣乾隆十  
二年秋太常樂工來闕里教肄新樂其奏歌章惟宣  
平秩平德平三曲起調六曲畢曲及懿平瀆字用下  
羽餘皆歌正羽高聲又昭平章之韻字宣平章之振  
字旣字秩平章之再字譽字敘十章之祭字懿平章



之四字不字自字德平章之祀字此十字皆歌半宮  
高聲是為下羽至半宮凡七聲正義皆未言此用意  
者正羽既同調首亦可起調而歌正宮聲於正羽聲  
之上清濁懸遠難合抗隊之節故以子聲閒正奏歟  
然則表列下羽至正羽殆所以著律呂旋宮之列而  
半宮子聲又太常歌工之變例也

樂章

乾隆八年部頒

春祭夾鍾為官倍應鍾起調

迎神

昭平之章

指此為官代為商伍為角仕為徵代為羽

大哉

仇

孔子

伍

先

仇

覺

仕

先

伍

知

仇

與

仇

天

仇

永平府志

卷之八

樂章

三

地

仕

參

伍

萬

仇

世

仕

之

伍

師

伍

祥

伍

徵

仕

麟

仇

紱

韻

仇

答

仕

金

仇

絲

伍

日

仇

月

仇

既

仇

揭

伍

乾

仇

坤

清

仇

夷

仇

初獻

宣平之章

予

仇

懷

仇

明

仇

德

伍

玉

仕

振

仇

金

仇

聲

仕

笙

仇

民

未

仕

有

伍

展

仇

也

仇

大

伍

成

仇

俎

伍

豆

仕

于

仇

古

春

仇

秋

仇

上

伍

丁

仇

清

仇

酒

仕

既

仇

載

仇

其

仇

香

始

仇

升

仇

亞獻

秩平之章

式

仇

禮

仇

莫

仇

愆

伍

升

仕

堂

伍

再

仇

獻

仇

響

仕

協

伍

鼗仇鏞仇誠伍孚仕壘伍獻仇肅伍肅伍雍伍雍伍  
譽仇髦仇斯仕彥仇禮仕陶伍樂仇淑伍相伍觀伍  
而仇善伍

終獻 敘平之章

自仇古仇在伍昔伍先仕民伍有仇作伍皮伍弁仕  
祭仇菜仇於仕論伍思伍樂仇惟伍天仕牖仇民伍  
惟仇聖仕時仇若伍燹伍倫伍攸仕敘仇至仕今伍  
木仇鐸伍

徹饌 懿平之章

先仇師仇有伍言伍祭仇則仕受仇福伍四仇海仇

永平府志

卷之八

樂譜

三

鬻伍宮仕疇仇敢伍不仇肅仇禮伍成仕告仇徹伍  
毋仇疏伍毋仇瀆仇樂伍所仕自仇生仇中伍原伍  
有仇菽伍

送神 德平之章

鳧仇繹仇峩伍峩伍洙伍泗仇洋仇洋伍景仕行伍  
行伍止仕流仇澤伍無伍疆伍聿伍昭仕祀仇事伍  
祀仇事仕孔仇明伍化伍我伍蒸仇民仕育仇我伍  
膠仇庠伍

秋祭南呂爲宮仲呂起調

迎神 昭平之章

大伏哉仇孔仕子仇先伏覺仇先仇知仕與仇天仕  
地仇參伏萬伏世仇之仇師仇祥仇徵仇麟仇紱仕  
韻仇答仇金伏絲仇日仇月仕旣伏揭仇乾仇坤仕  
清仇夷伏

初獻 宣平之章

予伏懷仇明仕德仇玉仇振仇金伏聲仇生仕民仇  
未仇有伏展仇也仕大仇成仕俎仇豆仇干伏古仇  
春仕秋仕上仇丁仕清伏酒仇旣仇載伏其仇香仕  
始仇升伏

亞獻 秩平之章

式伏禮仇莫仕愆仇升仇堂仇再仇獻伏響仇協仇  
叢仇鏞仕誠仇孚仇壘仇虺伏肅仇肅仇雍仕雍仕  
譽仇髦伏斯仇彥伏禮仇陶仇樂仇淑仕相仇觀仕  
而仇善伏

終獻 秩平之章

自伏古仇在仇昔仕先仇民仇有仇作仕皮仇弁仇  
祭仇菜伏於仇論仇思仇樂仕惟仇天仇牖仇民仇  
惟仇聖仇時仇若仕葵仇倫仇攸仇敘伏至仇今仇  
木仇鐸伏

徹饌 懿平之章

先伏師仇有仕言伏祭伏則仇受伏福仇四仇海仇  
覺伏宮仇疇仇敢仕不仇肅伏禮仇成仇告伏徹仇  
毋仇疏仕毋仇賔伏樂仇所仇自仇生伏中仇原仕  
有仇菽伏

送神 德平之章

鳧伏釋仇我仕戎仇洙仇泗伏洋仇洋仕景仇行仇  
行伏止仇流仇澤仕無仇疆仇聿仇昭仇祀仇事伏  
祀伏事仇孔仇明仕化伏我仇蒸伏民仇育仇我仕  
膠仇庠伏

舞譜凡執籥秉翟皆左手籥右手翟未開舞時籥在內

翟在外籥橫而翟縱蓋左手屬陽右手屬陰陽主於  
聲陰主於容故左籥而右翟和順積中英華發外故  
籥內而翟外籥象衡運準平翟象表端繩直故籥橫  
翟縱也其用之也齊眉執之爲執起之齊目爲舉平  
心執之爲衡盡于向下執之爲落向前正舉之爲拱  
向耳偏舉爲呈籥翟縱橫兩分爲開籥翟縱橫兩加  
爲合籥翟縱合如一爲相各分順手向下爲垂兩執  
相接爲交凡執籥秉翟俱右手在外左手在內其手  
指俱大指在內四指在外縱則如繩橫在如衡執秉  
者不可忽也凡立之容五兩階相對爲向內立兩階

相背爲向外立俱面北爲朝上立兩兩相對爲對面  
立兩兩相背爲背面立舞之容二兩階相顧坐勢爲  
向內舞兩階相負坐勢爲向外舞首之容三舉面朝  
上爲仰首俯面向下爲低首左右顧爲側首身之容  
五起身正立爲平身曲其背爲躬身正立左右轉爲  
側身轉過爲回身開左右膝直身下坐爲蹲身手之  
容五一手高舉爲起手順下爲垂手前伸爲出手兩  
手合舉爲拱手相持爲挽手步之容二前邁爲進步  
後縮爲退步足之容七起足尖以足跟著地爲蹠足  
起足後跟以足尖著地爲點足稍前爲出足膝前足

後爲屈足履位遷換爲移足左足加右右足加左爲  
交足反覆向上爲蹈足禮之容九屈身手向下爲授  
屈身手上承爲受拱手後退爲辭拱手向左右爲讓  
低首屈身拱手爲謙平出兩肘拱手齊心爲揖低首  
屈身至地爲拜屈膝至地爲跪點首爲叩首蹠一足  
屈一足拱手左右讓爲舞蹈凡舞合字四字欲遲工  
字六字欲疾上字尺字欲適中闕里文獻考云按此  
舞容尙有未備竊以已意增之曰樹籥翟曰植擊籥  
直向前曰舒平擊籥曰橫翟籥相近曰並橫翟於上  
以籥拄之曰支堅持籥翟於腋間掖荷籥翟於肩曰

肩并籥翟舒於臂曰抱兩手向臂相抱曰抱手拜首  
至手曰拜手

舞生就位舊有轉班鼓節以齊其步武凡十三節而  
各就位退班亦如之其譜初三節先二節先擊鼓邊  
二次擊鼓心一後一節先擊鼓邊二次擊鼓心二次  
三節每節擊鼓心二又次三節每節擊鼓心三又次  
三節每節擊鼓心五末一節擊鼓二共四十二擊鼓  
聲既嚴執節前導既列綴兆則分東西立麾生唱樂  
奏某曲東階節生亦揚節唱曰奏某舞則散而爲佾  
二獻皆同舞畢西階生抑節唱曰舞止則聚而成列  
永平府志

卷之八

舞譜

三

遂殖節架上舞生俱歸班

第一成初向上垂籥出翟出右足次微向外衡合籥  
翟次轉向內次向上掖翟呈籥平身立次植籥橫翟  
羽並籥次向外垂籥出翟出右足次起手開籥翟次  
向上衡合籥翟次向內躬身開籥翟次向上合籥翟  
躬身受次平身植籥橫舉翟於籥末次向內合籥翟  
躬身受次向上平身出籥翟於外次向外合籥翟躬  
身受次向上開籥翟次向內合舉籥翟次向上合舉  
籥翟次點左足於前植籥橫落翟加於膝次大開籥  
翟次合舉籥翟次籥支翟次向外衡合籥翟次向上

平身出籥翟於內次躬身右植翟左橫落籥至地相  
並次平身直交籥翟次向內衡合籥翟次出籥翟於  
南次向上合舉籥翟次合籥翟躬身受次橫落翟植  
籥於上次合執籥翟跪次頓首 第二成初向上植  
翟橫籥次向外掖翟舒籥並肩出右足次橫落籥植  
翟於上次向上開籥翟次合籥翟舞蹈向內躬身南  
讓次舞蹈北讓次向上平身抱手開籥翟次合籥翟  
躬身受次向內肩翟垂籥躬身出右足次肩籥垂翟  
出左足次向上植籥橫翟羽並籥次向內合籥翟拜  
次向上合舉籥翟次向外合籥翟拜次向上垂籥出

翟出右足次開籥翟次合籥翟平身內讓次外讓次  
向外合籥翟拜次向上衡合籥翟次躬身垂籥肩翟  
於內出左足次斜落籥斜植翟於籥末次舉籥懷翟  
次點左足於前植籥橫落翟加於膝次向內掖翟舒  
籥並肩出左足次向上出籥翟於外次向內橫落籥  
植翟於上次開籥翟次向上掖翟出手垂籥次向內  
衡合籥翟次合執籥翟跪次頓首 第三成初掖翟  
平身側首向上呈籥並耳點左足於後次植籥橫舉  
翟於籥末次合舉籥翟次向內掖籥垂翟次向上橫  
落籥植翟於上次橫交籥翟次向外合籥翟躬身受

次向上平身植籥橫翟柄末並籥次躬身衡籥出翟  
次外向掖翟舒籥並肩出右足次向上合籥翟拜次  
向內出籥翟於南次向上開籥翟交足立次合籥翟  
內讓次外讓次合落籥翟至地躬身外俯首出右足  
次合籥翟躬身受次微向內舉籥翟次向上植籥橫  
翟羽並籥次向外衡合籥翟次向上開籥翟次合籥  
翟拜次肩籥於內垂翟躬身蹲次肩翟於外垂籥躬  
身蹲次開籥翟於外次開籥翟於內次斜落籥斜植  
翟於末次大開籥翟次出籥翟於內次出籥翟于外

次合執籥翟跪次頓首

此從闕里  
文獻考

永平府志

卷之八

舞譜

罕

祭文

乾隆九年部頒

先師廟祭文

維年月日某官致祭於

至聖先師孔子曰

先師德隆千古道貫百王揭日月以常行自生民所未有

屬文教昌明之會正禮節樂和之時辟雖鐘鼓咸恪

薦于馨香泮水膠庠益致嚴于籩豆茲當仲春祇率秋

夔章肅展微忱聿將祀典以復聖顏子宗聖曾子述

聖子思子亞聖孟子配尚饗

崇聖祠祭文



維年月日某官某致祭于

肇聖王

裕聖王

詒聖王

昌聖王

啟聖王曰惟

王奕葉鍾祥光開聖緒盛德之後積久彌昌凡聲教所覃

敷率循源而溯本宜肅明禋之典用申守土之忱茲

屆仲春秋聿修祀事以先賢顏氏先賢曾氏先賢孔氏

先賢孟孫氏配尚饗

永平府志

卷之八

祭文

聖

忠義孝弟祠祭文

維年月日某官某致祭於 忠義孝弟之靈曰維

靈稟賦貞純躬行篤實忠誠奮發貫金石而不渝義

問宣昭表鄉閭而共式祇事懋彝倫之大性摯莪蒿

克恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格几

筵尚饗

節孝祠祭文

維年月日某官某致祭於 節孝之靈曰惟 靈純

心皎潔令德柔嘉矢志完貞全閭中之亮節竭誠致

敬彰閭內之芳型茹冰蘖而彌堅清操自勵奉盤匱而匪懈篤孝傳徽

絲綸特沛乎殊恩祠宇昭垂于令典祇循歲祀式薦尊醪  
尙饗

永平府志

卷之八

祭文

望

先師位陳設祭器圖

爵 爵 爵  
篚

籩 籩 籩  
籩 籩 籩 籩 籩  
籩 籩 籩 籩 籩  
登 簋 簋  
銅豆 豆 豆 豆 豆 豆  
銅豆 豆 豆 豆 豆 豆  
豆 豆  
俎 俎 俎

燭臺 祝版 燭臺  
鑪

讀 祝 案  
拜席

先師位陳設祭品圖

亞獻  
初獻  
帛  
終獻

餅餅  
白黑  
榛菱芡  
鹿脯  
和形蕞  
棗栗羊  
羹鹽魚  
太黍稷  
黍稻梁  
和菲醢菁鹿  
羹菹醢菹醢  
芹兔笋魚  
菹醢菹醢  
脾豚  
析胎

牛  
祝文  
燭  
香  
燭

飲福  
受胙  
拜位

四位陳設祭品圖

每位各一筵

亞獻  
初獻  
帛  
終獻

黍稻梁  
和菲醢菁鹿  
羹菹醢菹醢  
芹兔笋魚  
菹醢菹醢  
脾豚  
析胎  
黍稻梁  
和形蕞  
棗栗羊  
羹鹽魚

豕  
羊

燭  
香  
燭

拜席

東西各二筵二俎又香帛案一

二十哲位陳設祭品圖

亞獻	初獻	終獻
栗脯 形棗 鹽	和黍 稷	菁鹿 菹醢 芹兔 苴醢

俎 羊 豕

燭 香帛 燭

拜席

兩廡視此東西各五筵三俎又香帛案一

永平府志

卷之八

陳設

四

五位各一筵

崇聖祠陳設祭品圖

亞獻	初獻帛	終獻
----	-----	----

和形藁 黍稷 鹽魚	和荳醢 菁鹿 苴醢 芹兔 苴醢	榛菱芡 脯鹿
-----------------	-----------------------------	-----------

羊

豕

燭 香 燭  
祝文  
拜席

東西各一筵

崇聖配位陳設祭品圖



俎羊豕



拜席

兩廡視此東西各一筵

永平府志

卷之八

陳設

聖

舞

祝  
舞舞舞

琴瑟簫笛排簫鼓

楹鼓

舞十

舞舞舞舞舞舞  
舞舞舞舞舞舞  
舞舞舞舞舞舞

東廊隅  
特鐘

樂舞摠圖

舞

舞舞舞  
舞舞舞

琴瑟簫笛排簫鼓

琴瑟簫笛

編磬

足鼓

舞十

舞舞舞舞舞舞  
舞舞舞舞舞舞  
舞舞舞舞舞舞

丹陛

甬道

西廊隅  
鼓

學額

永平府學 額設廩生四十名增生四十名 一年一貢 歲試取入文童二十三名武童二十名 科試取入文童二十三名

盧龍縣學 額設廩生二十名增生二十名 三年兩貢 歲試取入文童十八名武童十五名 科試取入文童十八名

灤州學 額設廩生二十名增生三十名 三年兩貢 歲試取入文武童生各十五名康熙五十五年加增文童三名 科考取入童生十八名

永平府志

卷之八

學額

巽

遷安縣學

撫寧縣學

昌黎縣學

樂亭縣學 以上與盧龍縣同

臨榆縣學 廩增與盧龍縣同 歲試取入文童十五

名武童十二名 科試取入文童十五名

附樂舞生額數 原額一百六名乾隆三十二年奉文

議照康熙二十九年 部咨順天府學現用人數歌

童四人樂生二十二名執麾引節各一人舞生三十六人合計六十四人以四十名為正額二十四人為

附額其衣頂執事時用襴衫雀頂常服用銀盤起花銀頂

### 學田

永平府學 石梯子地四十畝 又二頃一十五畝

胡家莊地四十五畝 張家莊地五十四畝七分

橫河地一頃零四畝 薛家莊地七十二畝 盧馬

莊原地七十三畝水衝五十六畝現地三段共十七

畝 大嶺曹家坡地六畝 野雞坨地五十畝 葛

新莊地三頃 張木匠莊地二頃二十六畝 胡家

園地四十一畝五分 石嶺子地十畝 雙望地七

十八畝 共地十二頃五十九畝二分 每年共徵租穀八十二石三斗五升零徵租銀十八兩一錢零 係本學徵收散給贊禮生廩生貧士歲有報銷

### 盧龍縣學

縣志舊載一段一頃九十九畝知府高邦

佐捐俸置一段一頃六十畝郡人御史韓應庚置又

一段六十一畝

今查石梯子莊地二頃三十四畝五分韓御史應庚

置每畝租銀四分七釐六毫五絲共銀十一兩一錢

六分八釐九毫零 顧家嶺地一頃九十九畝白翰

林瑜置每畝租銀六分七釐九毫零共銀十三兩五

錢二分四釐二毫零 野雞坨地一頃前任郡守謝公 置每畝租銀五分三釐五毫零共銀五兩二錢五分六釐八毫零 以上共租銀三十兩五分係本縣儒學徵收散廩生貧士按年造冊奏報 又野雞坨地三頃孟家莊地三十畝十八里舖地十畝及房基地四處收租為義學修金之費

灤州學 州志舊載萬歷二十六年知州陳士元給長春社官地三頃六十畝 又萬歷三十八年知府高邦佐置田一頃三十八畝圈占後退出三十五畝今失 現在學田五十五畝於雍正三年以水利營田撥

永平府志

卷之八

學田

哭

入坐落蘇各莊老新莊每年租銀一兩七錢五分散給廩生貧士

遷安縣學 負郭田一頃零六畝明萬歷間知府高邦

佐捐俸置康熙六年奉圈野雞坨下地一頃二十六畝八

分七釐萬歷間知縣張廷拱置現存每年租銀三兩

六錢三分賑濟貧士

鴨子河上地十畝一分七釐八毫 國朝雍正十一

年置租東錢二千八百二十五文給義學膏火之費 閭家店小地三十六畝三分八釐雍正十一年置租東錢十八千 又鴨子河地八十二畝乾隆



二十一年置每畝租銀五分共租銀四兩一錢給義學膏火之費

小喬各莊西一段六畝又一段一畝二分六釐乾隆三十六年知縣靳榮藩置給縣人董杜氏執契管業名曰貞女田 陶新莊西地一段六畝五分又一段五畝乾隆三十六年知縣靳榮藩置給縣民王留喜管業名曰勸孝田

撫寧縣學 東河南荒田一段三十畝 新莊一段十畝 李良峪荒田二段一百二十九畝 以上三處知縣王文衡捐置 老坡張一段五十畝知縣譚琳

永平府志

卷之八

學田

完

捐俸置 富實屯荒地四十二段共一頃四十畝三分七釐知縣趙端捐俸置 每年輸租交儒學給鄉社學爲筆楮膏火之助

滿井三段一百一十六畝一分二釐 曹西莊十五段一百八十八畝三分三釐 任各莊五段二十五畝 楊家莊二段二十七畝 吳家莊一段二十五畝 李官營一段五十畝共計四頃三十一畝四分五釐 以上學田收租銀二十三兩五錢四分零散給廩生貧士

昌黎縣學 縣志舊載一段三十畝五分提學楊 置

一段四十畝永平道應 置 一段一項十九畝  
一分知府高邦佐置 一段三十畝管關通判張文  
達置 一段三畝八分儒學甄 置 一段三十六  
畝五分楊子陞置 一段五十四畝泡石港山場一  
處教諭王在鎬置 以上除撥補樂亭縣尚遺兩段  
五十餘畝泡石港山場一處 今俱失惟山場存

現在靜安西莊河灘地二頃二十七畝康熙五十年  
入官每年租東錢四十千 城東何家莊地十八畝  
雍正十年入官每年租東錢十二千 城西朱各莊  
河灘地三十六畝雍正十一年入官每年租東錢二

永平府志

卷之八

學田

五

十千 城北山地三十畝五分每年奏銷報上租銀  
二兩 以上共地三頃一十一畝五分共租東錢八  
十四千散給廩生貧士 東錢以制錢一百六十四文爲一千

樂亭縣學 舊志載共四頃七十一畝七分圈地後莫

攷 魯家套三段計一頃四十畝 小寺上一段計  
五十畝乾隆四年教諭陳成德詳請報置爲膏火每  
畝起租銀三錢四分共收租銀六十四兩六錢 劉  
家莊西地八十七畝每畝租銀一錢共租銀八兩七  
錢 井各莊地三十八畝四分六釐每畝徵銀三分  
共租銀一兩一錢五分三釐八毫 嵩林西地八十

七畝每畝租東錢五百文共租東錢四十二千五百文 又嵩林西地三十畝每畝租東錢二百五十文共租東錢七千五百文 又嵩林西地二十九畝五分每畝租銀一錢共租銀二兩九錢五分 撒馬店莊西一段十二畝 又一段一畝三分每畝租五分共租銀六錢六分五釐 以上俱乾隆間知縣陳金駿置爲義學膏火之費

臨榆縣學

明主事黃景奎捐地四千九百五畝主事葛守禮馬駿等捐地三百四十頃有奇 國朝康熙三十三年清丈出地百八十八頃共徵米七百五石

永平府志

卷之八

學田

至

九斗零由管糧廳徵收給廩生米每名十石六斗八升八合貧士額四十名每名六石六斗八升八合

書院義學

孤竹書院在府城東北隅望高樓下

久廢

北平書院在府學南盧龍縣舊基明隆慶六年知府辛

應乾建

國朝康熙十六年郡守常公文魁復建今

改爲教授署

敬勝書院在武廟西舊武學地乾隆十二年郡守盧公

見曾建

昌黎書院在昌黎縣靜安社南七里許

刻有符讀書院南詩俗謂敬勝

古蹟者  
非也

橫渠書院在灤州西關明嘉靖八年知州趙葉建

育賢書院在榛子鎮明隆慶四年推官辛如金建久廢

雲從書院在撫寧儒學南明萬歷乙卯知縣王臺建

東山書院在雲從書院之西 國朝康熙二十一年知

縣趙端捐俸建今改為訓導署

府義學舊在城隍廟西明成化九年知府王璽建宏治

中吳傑修久廢崇正中推官韓國植移建于府治後亦

廢

盧龍義學在縣治南關廂街西明隆慶二年知府劉庠

永平府志

卷之八

書院義學

五

建萬歷十二年知府楊時譽修久廢 國朝康熙四十

年知縣倪奭棠另建于武學南

遷安義學在縣治西二十步明宏治十一年知縣張濟

建久廢 國朝雍正七年知縣王孔彰建義學三間于

城內小南街

撫寧義學舊在縣治南

昌黎義學舊在縣治北久廢知縣夏文廣移設忠義祠

灤州義學舊在州城養正巷今在州城東南隅乾隆十

五年知州孫昌鑑偕紳士捐置

樂亭義學明初在縣治西南久廢萬歷二十一年知縣潘

敦復置養正堂三間于朝天街西尋亦廢 國朝乾隆十六年知縣陳金駿擇啟聖祠舊址建講堂三間廂房二間

〔山海義學〕舊在城東南隅明宏治十四年主事徐朴毀治淫祠爲之萬歷十五年主事張棟置城西門內廊房又置東關門外待折廳令士之有行者施教貧童每名月給穀一石俱在關部支領二十年主事張時顯定爲歲額今並廢

按畿輔志載盧龍社學在府城南街後改建於武廟前今廢其載撫昌灤樂皆有社學四五處詢之亦無稽考故不具列